

Ish-kryeministri britanik, Tony Blair, më në fund ka kërkuar falje për luftën në Irak, duke e pranuar se ai mund të fajësohet pjesërisht për ngritjen e organizatës ISIS, shkruan "Daily Mail".

Rrëfimi i jashtëzakonshëm i Tony Blairit për rrjetin televiziv CNN vjen 12 vjet pasi ai refuzon të kërkojë falje dhe të marrë përgjegjësi për luftën në Irak, transmeton Indeksonline.

Ai gjatë emisionit e pranon se me fajin e tij është shkaktuar "ferri" në Irak, duke e mbështetur ish-presidentin amerikan, George W. Bush për ta rrëzuar ish-diktatorin Saddam Hussein.

Ai në intervistën televizive për CNN që pritet të shfaqet sot, kërkon falje për sulmet ushtarake të Britanisë, madje shkon aq larg sa thotë se ndërhyrjet atje ishin krime lufte – derisa e mohon që ai personalisht të ketë kryer ndonjë krim.

Kur pyetet nëse lufta në Irak ka qenë gabim, Blair kërkon falje duke thënë "më vjen keq që informacionet inteligjente që kishim marrë ishin aq të gabuara. Po ashtu kërkoj falje për disa gabime në planifikim, dhe sigurisht, për gabimin tonë duke mos e kuptuar se çfarë do të ndodh pas rrëzimit të regjimit."

Ndërkaq, kur pyetet nëse lufta në Irak ka qenë shkak për krijimin e organizatës ISIS, ai përgjigjet duke thënë "Mendoj se ka të vërteta në këtë pohim."

Gjatë kësaj lufte humbën jetën qindra mijëra civil.

//

[Tony Blair Says Sorry for Iraq Invasion](#)

In a CNN interview, the former British prime minister admits he made mistakes in Iraq. Too little too late?

Posted by [AJ+](#) on Sunday, October 25, 2015